

明皇陵碑



七修類藁卷八

明仁和郎瑛

有寶著述

印

國事類

元末擾亂

至正初伯顏變亂舊章遂有江西朱光卿廣東羅天麟陳積萬湖廣吳天保浙東方國珍相繼煽動又賈魯開河生民嗷嗷石人之事興則韓林兒徐壽輝芝麻李三枝起而蔓延天下若福建陳友定懷慶周全臨川鄧忠安陸俞君正浙西張士誠陝西金花娘子

七修類藁卷八

國事類

一

江西歐道人襄陽莽張岳州潑張安慶雙刀趙濠州孫德崖紛紛不一皆東南之賊也長淮以北則山東又有王信陝西李思齊隴西李思道太原王保保汴梁元太子此多元之將臣亦各據地互相殺戮天兵臨之或降或遁矣今以所知者畧述其本末事情書之於左不知者待博識者又補之焉庶或可以參考於國史也

方國珍始末畧

方國珍台州寧海人力能走及奔馬其居有山在中

曰楊氏嘗有童謠曰楊氏青出賊精至正八年蔡亂
頭剽劫海商方乃爲國宣力勦賊而總管焦鼎納蔡
之賂反黜其功方忿曰蔡能亂我不能耶遂與弟國
彰等叛至十六年降元爲海道漕運萬戶羈縻而已
十八年天兵取婺州自料非其敵也十九年降太祖
遂獻款書曰國珍生長海濱魚鹽負販無聞于時向
者因怨構誣逃死無所迫於自救而已惟明公倡義
濠梁東渡江左據有形勢以制四方奮揚威武國珍
向風慕義欲歸命之日久矣道路壅遏不能自通今

聞親下婺城撫安浙左威德所被人心景從不棄獯
愚猥加訓諭開其昏瞶俾見天日此國珍所素欲也
謹遣使奉書上陳懇款或有指揮願效奔走然旣入
貢陰復泛海北通廓擴帖本兒南交陳友定圖爲掎
角至吳元年王師討姑蘇擁兵坐視太祖反覆以書
數其十二過惡其畧曰爾起事時元尙承平倡亂海
隅遂陷三州之地扼海道之衝竊據山島二十餘年
朝送款於西暮送款於北此豈大丈夫之爲一也吾
下婺時剽敵甚多豈暇與爾較勝爾遣子納降吾不

逆詐數年之間迭生兵隙二也近者浙之東西諸郡
漸下爾陰蓄異志覘吾虛實三也未有釁端先自猜
忌四也易交輕悔五也廓擴帖木兒以曹操之奸旋
爲人敗吾中原已得其半爾泛海遠交聲音擊我以
速怨尤六也彼若有事爾遠難掇彼若無事交踈禮
薄禍亂由生七也爾兄弟無功於元坐要名爵跋扈
萬端今歸我又不能保八也爾兵數出上帝好生違
天虐民九也爾能盡驅溫台慶元之民與決勝負丈
夫事也今復遣數舟徇偷鼠竊十也吾遣兵入浙張

士誠將士盡皆降附爾誘我海上土豪作亂近來匿
其首惡十一也福建陳友定奸謀稔惡爾乃陰扇潛
結遙爲聲援以詐交詐反自疑吾十二也爾乃擇交
大國有一無二尙可以保全矣不報六月責國珍貢
糧二十萬仍以書諭其畧曰汝初獻欵謂杭城在即
來歸豈意挾詐張士信接境取爾甚易不敢加兵者
吾力制之故爾安享三州爾却遣奸覘我潛結陳友
定今明告爾師下姑蘇卽取溫台水陸並進爾早改
過以小事大尙可保富貴也不然與我較一勝負亦

大丈夫之爲也不然揚帆竄入海島吾恐子女玉帛反爲爾累舟中自敵國也宜慎思之國珍於是有航海之計然又遣子羽完奉表謝罪乞歸降曰臣聞天無所不覆地無所不載王者體天法地於人無所不容臣前荷主上覆載之恩久矣不敢自絕於天地故一陳愚衷知必有以容臣者臣本庸材昧於學術遭時多故起自海島非有父祖承藉之勢與衆馳逐又非有圖成望大之心必欲得湯武之君爲之依附而已向者王師之渡江左霆電揮至於婺城遠近震驚

七修類稿卷八

國事類

四

是以遣子拜師歸心効順惟時固已知主上有今日矣但無所以依日月之末光望雨露之餘澤而主上推誠布公賜手札歸質子俾守城邑如錢鏐故事奉遵約束不敢有違豈意從子明善不戒邊疆擅構釁端得罪故不可解今日守疆之吏馳走飛報言天兵遠臨聞之不勝駭愕惶惑失措遂俾守者奉迎王師然而未免浮海何也昔者孝子於其親遇小杖則受大杖則走適與相類竊自咎十年之間非主上無以至今一旦墮墜天下後世必有以議臣者敢冒斧鉞

之誅遣子入侍伏望復全覆育之恩更加生成之賜容歸海島老死深淵使子姪輩得全餘生以聽驅策實爲萬幸太祖始怒其反復覽表憐之乃賜書曰汝外示歸誠中懷譎詐吾姑容之待汝自效豈意汝行小智愈肆奸宄竟背前約致勞我師汝尙不歸命乃逃于海上猶欲觀望成敗今辭甚哀懇吾當以汝此誠爲誠不以前過爲過汝勿自疑率衆來附悉從原有不報九月命叅政朱亮祖討之初亮祖至台方國瑛欲遁去會都事馬克讓自慶元還言國珍治兵爲

守城計國瑛始拒守然士卒懷懼我師攻擊國瑛度不能守以巨艦載妻子夜走黃巖亮祖遂入城徇下仙居等縣追至黃巖國瑛燒殿宇民居遁海守將哈兒普降十月己巳亮祖進兵至溫州陣於南城國珍部將率兵拒戰敗之破其太平寨餘兵奔入城亮祖四面攻打晡時克之獲員外劉本易方明善先挈妻子遁去十一月亮祖率舟師襲敗明善於樂清之盤嶼追至楚門海口己丑又命湯和共討之和旣至慶元國珍遁入海島國瑛及明善來降送之建康後洪

武二年湯和降執國珍於海朝疑之爲廣西行省左丞但不之官食祿於朝實錄之言也又見誠意伯曰太祖威震華夷不能致者方國珍深入海島王保保遠去沙漠惟二子未誅恐不然也

張昶

張昶仕元爲戶部尙書以奉使來朝太祖見其才敏畱用之累授叅政昶外示誠欵內懷陰計與楊憲胡惟庸皆相善昶有才辯知識明敏熟於前代典故凡國家建置制度多出昶手裁決如流事無停滯昶恒

七修類稿卷八

國事類

六

自以元臣失節謂不能無議已心者心常怏怏時廓擴帖木兒兵尙強元都未下昶竊語其所親曰吾若得歸元是所願也問使人上書頌功德勸太祖及時娛樂上以語太史令劉基曰是欲爲趙高也基曰誠如聖見必有使之者上不欲窮治但斥之焚其書復勸太祖嚴刑法重賦役多陳厲民之術欲上失人心陰爲元計上皆不從昶不自安時元主謂昶已死贈昶官謚擢用其子會平章李文忠下杭州以元平章長壽丑的等至京疑上釋之遣歸元昶乃陰托長壽

丑的奉表於元且寓書其子詢存亡會昶臥病憲往候偶于昶臥內得書表遂奏之太祖命大都督府按問昶書八字於牘曰身在江南心思塞北上始惜其才猶欲存之及得其所書牘詞曰彼意叛矣是何赦焉遂誅然此於大明實錄上得之嗚呼昶雖仕我太祖觀此亦姜維之志也又能於死生之際明焉豈非忠於元者乎况其文成於國朝夏元吉諸公寧無抑揚於中子觀元史未書昶節畧見於劉基傳中故特錄出之

七修類稿卷八 國事類 七

沈萬三秀

國初南都沈萬三秀者甚富今會同館是其故宅後

湖中地是其花園

原住蘇州之周莊

京城自洪武門至水西門

乃其所築太祖嘗犒軍萬三欲代出犒銀上曰朕有

百萬軍汝能遍濟之乎對曰每一軍犒金一兩上曰

此雖汝至意不須汝也由此遂欲殺之太后苦諫彼

固富敵國然未嘗爲不法事奈何殺之得流雲南其

婿余十舍亦流潮州今聞二家子孫尙富富乃黠化

之術也詳近峯聞畧

張士誠始末畧

張士誠泰州白駒場民至正十三年與弟士義士信士德壯士李伯昇等攻陷泰州十四年僭王號周建元天佑十五年據高郵十六年由通州渡江遂陷蘇州以承天寺爲府遣兵陷湖常松江諸路七月攻破杭州丞相達識帖睦爾畏遁或以苗軍楊完者勇猛有軍引其黨自嘉興擊敗士誠然完軍尤殘虐也十七年太祖駐師金陵旣與接壤常通書被其拘使遂用師京口溧陽等地互有勝負三月命徐達攻常

州擒其弟士德母痛令士誠請和每歲輸粟十萬金幣若干太祖初許之後復書數其開釁拘我使臣之罪每歲要糧五十萬歸使等事士誠不報浙省左丞達識則請命於朝授士誠太尉遣叅政周伯琦招諭之被其畱吳至二十年闕土益廣南自紹興北至濟寧太祖發跡之地亦遣其將李濟據之時皆稱張吳王太祖欲取士誠謀于劉基基曰方今陳友諒據上游名號不正兵力且強宜先取之友諒旣平取士誠如探囊中物耳太祖用其言始置之二十三年復據

杭元因以弟士信爲平章二十五年太祖命遣徐達常遇春等水陸並進遂克泰州明年克高郵興化又明年祭江告神大舉伐之數士誠之罪曰私販鹽貨行劫於江湖兵興則守聚寇徒負固於海島其罪一也又恐海隅一區難抗天下全勢詐降於元坑其叅政趙璉囚其待制孫搗其罪二也厥後掩襲浙西兵不滿萬數地不足千里僭號改元其罪三也初寇我邊一戰而生擒其親弟再犯浙省揚矛直擣於近郊首尾畏縮又乃詐降於元其罪四也占據浙江錢糧

七修類稿卷八

國事類

九

十年不貢其罪五也陽受元朝之召陰行假王之令挾制達丞相謀害楊左相其罪六也知元綱已墜公然害其江浙丞相達識帖木爾高臺大夫普化帖木兒其罪七也誘我叛將邵我邊民其罪八也詔諭江南使常遇春等先攻湖州湖州旣疲然後移兵姑蘇秋攻湖州弁山水寨與五太子大戰遇春稍却薛顯率舟師直前奮擊敗之五太子及宋暹呂珍等以舊館降五太子養子本姓梁短小精悍平地能躍丈餘又善沒水暹珍驍將也誠倚之至是奪氣繼而張天

祺李伯昇亦降於是達軍直擣姑蘇十一月癸酉圍姑蘇達督軍攻婁門士誠出兵拒戰指揮副使茅成左脇中矢死之於是攻圍益急吳元年丁未太祖又以書諭士誠書畧曰帝王之興兵勢相加乃爲常事天命所在豈容紛然雖有智者亦當革心順天以全身保族如漢竇融宋錢俶是也今爾能附順其福有餘無爲困守孤城自取滅亡不報伯昇知其勢急使客詣士誠門說降又不報六月士誠旣被圍久欲突圍決戰覘閘門少疎將奔遇春覺其至分兵北濠與

鬪久未決士誠復遣叅政黃哈喇把都率兵千餘助又自出兵山塘爲援陣少却遇春撫王弼背曰軍中皆稱爾爲猛將能取此乎弼遂揮雙斧往擊敵勢轉遇春率衆乘之士誠兵大敗溺死沙盆潭甚衆士誠馬驚墮水幾死肩輿入城忽忽不出一日士信張幙城上踞銀椅與叅政謝節等會食左右方進桃未及嘗忽飛礮碎其首九月城將破熊天瑞教城中作飛礮以擊城外雖多中傷奈城中木石俱盡達督將攻破葑門城遂陷時八月辛巳也達又遣李伯昇往諭

士誠自經伯昇趙世雄抱解昇出舟中閉目不食至
龍江堅臥不起昇至中省竟目縊死

事詳平吳錄

陳友諒始末畧

陳友諒沔陽漁人子也與其弟友仁友貴至正中聚
衆剽掠於村落官軍累討不能平率所聚往從羅田
徐壽輝蓋徐初起紅巾其時甚盛國號天完友諒至
使隸元帥倪文俊下友諒心不平十七年文俊謀殺
壽輝不果奔黃州友諒乘覺襲殺之遂并其軍自稱
平章十八年陷安慶守將余闕死之復陷龍興路并

七修類稿卷八 國事類

十一

瑞州時壽輝聞而欲徙都之友諒忌其來不利於己
不從壽輝固引兵發漢陽南下江州友諒陽爲出迎
伏兵城西俟壽輝入而閉門伏發盡殺其部屬惟存
壽輝徒擁虛器而已還以江州爲都自稱漢王改元
大義事權一歸於己遣將康泰等寇邵武等府又遣
將陷吉安撫州贛州襄陽等府陷信州則守臣伯顏
不花的斤死之聲大勢重統有湖湘江右二十年挾
壽輝率舟師以行謀死壽輝於采石江中及來陷池
州太平等府遂與天兵接戰連年互有勝負遣將張

定邊陷安慶復犯建康太祖乃下令諸將曰觀其所爲不滅不已爾等其厲士卒以從大將軍徐達進曰師直爲壯今我直而彼曲焉有不克翰林學士劉基曰取威制敵以成王業在此時也遂督諸帥率舟師乘風迺流而上遂克安慶長驅向江州分舟師爲兩翼夾擊友諒大破之友諒挈妻子奔武昌友諒忿其疆場日蹙乃作大艦來攻洪都自爲必勝之計載其家屬百官空國而來以兵圍城其氣甚盛兵戴竹盾禦矢石攻城城且壞守將朱文正趙德勝鄧愈督諸

將死戰且戰且築城壞復完友諒盡攻擊之術而城中備禦隨方應之已而德勝中流矢死內外阻絕音問不通文正乃遣使詣建康告急太祖親率諸將發舟師二十萬進次湖口自友諒圍洪都至是凡八月有五日聞援兵至卽解圍東出與我師遇鄱陽湖之康郎山實至正廿三年七月也乃與書曰昨兵對泊瀕磯嘗遣使賁往事不睹使回公度量何淺淺哉大丈夫謀天下何有深讐自辛卯以來天下豪傑紛然並起英雄與問罪之師挾天子以令諸侯今淫虐之

徒一掃而亡之湘陰劉氏亦懼而往此公心腹人也
部下諸將自此而夷江淮英雄惟存吾與君耳何乃
自相吞併公今又將舟騎與吾較勝公之土地吾已
得之縱使力驅騎兵來死城下不可再得也設使公
僥倖外逃亦宜修德勿作欺人之寇却帝名而待主
可也不然喪家滅姓悔之晚矣逡巡至於戊子我師
分爲十二屯徐達常遇春等諸將擊敗其前軍軍威
大震明日諸軍接戰至晡東北風起燔其水寨舟數
百艘其弟友仁友貴及平章陳普畧皆燔死遂不敢

出然勢猶盛也又與之書曰方今取天下之勢同討
夷狄以安中國是爲上策結怨中國而後夷狄是爲
無策曩者公犯池州吾不以爲嫌生還俘虜將欲與
公爲約從之舉各安一方以俟天命此吾之本心也
公失此計乃先與我爲仇我是以破公江州遂蹂躪
黃漢沔之地因舉龍興十一郡奄爲我有今又不悔
復起兵端旣困於洪都兩敗於康山殺其弟姪殘其
兵將捐數萬之命無尺寸之功此逆天理悖人心之
所致也今乘尾大不掉之舟損兵弊甲遲遲與吾相

持以公平日之暴正當親決一戰何徐徐隨後若聽
吾指揮者無乃非丈夫也乎公早決之辛卯復聯舟
大戰自辰至午敵兵大敗友諒奪氣其將張定邊欲
挾之退保鞋山爲我師所扼不得出歛舟自守不敢
戰是夕我舟渡淺泊于左蠡與友諒相持者三日壬
戌友諒冒死突出將奔還武昌太祖麾諸將邀擊之
舟聯比隨流而下自辰至酉力戰不已友諒中流矢
貫睛及顛而死諸軍潰散實八月二十七日也其時
擒太子善兒友諒自稱帝至死僅五年餘年四十四

七修類稿卷八

國事類

十四

定邊乘夜以小舟載友諒屍及子理徑趨武昌立理
爲帝改元德壽二十四年天兵克武昌擒之悉平右
陳氏始末如此我太祖書辭如此陳亦可謂勦敵也
使劉伯溫不勸上先伐之養勢再大欲一時克除亦
難矣哉觀其初犯建康臣下欲城降者有欲走據鍾
山者及戰龍江石灰山功臣錄皆曰殺傷相當戰鄱
湖則御舟膠於沙灘韓成假帝投水使無金木相犯
之日以決一勝岌岌乎殆哉然而天命有在固不能
逃貫睛之流矢也耶

韓山童

至正十一年黃河決參議賈魯欲建不世之功首勸脫脫丞相開河以復大禹故道山東連荒復集夫數十萬民恐已思亂矣而欒城人韓山童自祖父以白蓮會燒香惑衆至山童因棗陽有男週歲暴長四尺皤腹如世所塑布袋和尚者遂倡言彌勒下生天下當亂又陰鑿一眼石人預埋當開河道鑿其背曰莫道石人一隻眼此物一出天下反掘者得之驚詫而倡亂矣河南江淮之民翕然從之劉福通等共尊山

七修類彙卷八

國事類

五

童爲主然爲官兵捕急山童被擒其妻楊氏與其子林兒逃之武安福通等據朱臯十五年攻破羅山舞陽葉縣又陷汝寧光息二州自碭山夾河迎林兒爲帝號小明王以杜遵道等爲丞相詐稱徽宗九世孫國號宋改元龍鳳偽詔畧曰蘊玉璽於海東取精兵於日本蓋以宋廣王死崖山丞相陳宜中走倭之故又陷汴拆鹿邑太清宮材爲殿居之後朝廷發師誅討福通奉僞主遁安豐然而亂階旣成其黨毛貴田豐李武崔德等四出攻掠天下擾擾尋俱敗死獨林

兒直至二十七年方死益不爲天兵所討故也

徐壽輝

徐壽輝又名貞蘄州羅田人生平以販布爲業至正十一年天下已亂有瀏陽彭和尚能爲偈頌集衆念佛心欲爲亂一日徐浴於鹽塘身起光芒衆乃驚異遂與麻城鄒普勝等倡爲妖術立徐爲主舉兵以紅巾爲號據蘄水陷黃州稱國天完改元治平近遠響應於是遣徐明遠丁普朗等盡陷湖廣之什七復遣項普等畧徽饒諸州遂犯昱嶺入杭湖爲董搏香所敗十三年詔平章卜顏帖木兒等合兵討壽輝於蘄壽輝遁去擒其僞將四百人十九年其將陳友諒迎壽輝於江州二十年爲陳弑之然徐死矣其下友諒等大亂東南尤爲盛也

劉福通

劉福通潁州妖人也至正十一年與杜遵道羅文素盛文郁王顯忠共鼓妖言立韓山童爲帝紅巾爲號衆至十萬陷汝寧等府以遵道爲相已爲平章後惡遵道專權搃殺之稱汴爲京自稱太保性極殘忍所

過以人爲糧山東河北多爲殘害林兒徒寄空名於上也又分兵二道關先生破頭潘馮長舅沙劉二王士誠寇晉冀一路轉掠塞外攻陷上都焚燒宮闕白不信大刀放李喜喜直趨關中陷興元鳳翔等府毛貴等陷山東皆十八年以後事也時福通爲察罕帖木兒發諸道兵討之力不敵奉僞主遁安豐因是三道各自據地尋俱敗死後福通又復犯汴殺其守將竹貞出入淮汴至二十三年爲張士誠將呂珍入安豐襲殺之

倪文俊

七修類彙卷八 國事類

七

倪文俊黃州黃陂人世業漁其生之夕母夢白虎入室因多勇力號蠻子至正十五年聚衆陷武昌漢陽等路迎蘄州盜徐壽輝爲主已爲丞相然徐名雖君權實在倪也每用多槩小舟晝夜疾行出入不意所至克捷擄威順王妻妃殺其子報恩奴與湖南元帥魏崇福遂陷荆鄂潭岳黃蘄澧衡常德寶慶江虔洪吉等府十七年又陷峽州川屬諸郡然驕恣暴狠撫下無恩欲謀殺壽輝不果自漢陽奔黃州來與僞將

陳友諒合兵陳因假以出迎伏兵城門襲殺之前一夕母復夢白虎死而文俊自見大星落舟前笑曰不知何大官人又死吾手嗚呼一盜之亂內應母夢上千天象况天子乎

芝麻李

李二號芝麻李蕭縣人至正十一年與趙均用彭早住亦燒香聚眾反攻陷徐州趙稱永義王彭稱魯淮王十二年朝命脫脫討之攻破徐州李二遁後卒趙彭二人奔濠州先是定遠郭子興見汝穎兵起與孫

七修類彙卷八

國事類

六

德崖亦聚眾拔濠州自稱元帥二人既至郭孫反屈已事之繼而彭死均用遂專任郭不堪與下自往取滁州而均用尋往濟南假與宋將毛貴合襲殺毛貴進據益都其黨續繼祖自遼陽入益又殺均用後與所部互相仇殺俱滅

明玉珍

明玉珍隨州人長八尺重瞳弓兵之首也爲飛矢損右目時號明眼子至正十五年倪文俊陷沔陽遂爲其將攻陷成都等府遂分兵守之後文俊謀殺其主

徐壽輝不果繼而壽輝僞將陳友諒襲刺倪自爲平
章復矯徐命使玉珍會兵建康明憤陳之逆殺怒曰
汝能爲帝我不能耶遂據全蜀不與陳通二十一年
陷嘉定路爲李思齊敗之又明年陷雲南省治屯金
馬山使其將楊尙書守重慶又爲帖木兒所敗退居
於蜀自稱蜀國王號大夏改元天統居位六年爲弟
所殺妻復圖殺其弟立其子爲小明主二十七年詔
李思齊討之不果洪武初天兵破蜀母子俱降母召
入宮明主與陳理命海舟發高麗飄飄然入於海矣

七修類稿卷八

國事類

九

元亡

至正十二三年杭潮常不波十九年京都子規啼並
載正史至廿二年順帝夢猪拱大都城覆遂禁軍民
畜猪見傳信錄天兵未至京一月有餘鳴鳴端明殿帝命

善射者終莫射中天兵旣至柳林遲明帝召百官議
戰守之計忽有二狐自內殿出帝嘆且泣曰宮禁嚴
密此物何得至此非天之所以告朕哉並見草木子卽命

開建德門北去實二十七年九月也明年太祖聞居
應昌馳書示以禍福因答詩曰金陵使者渡江來漢

漠風烟一道開王氣有時還自息皇恩何處不昭回
信知海內皆王上亦喜江南有俊才歸去誠心煩爲
說春風先到鳳凰臺見剪勝舊聞嗚呼杜鵑啼汴京地氣
自南而北尙知亂將作矣况至於燕乎杭潮三日不
波宋社墟矣况至二年之間之不波乎後乃歷歷多
怪豈非猪乃朱姓而狐乃胡人哉觀其嘆泣長往答
詩知道謚以順帝不亦宜乎野史訛爲中山王可執
而縱之非也

生員巾服

七修類彙卷八

國事類

三

漢酈食其以儒冠見高帝註曰儒冠側冠也予意恐
卽今之生巾又讀禮記玉藻篇曰士練帶練帶卽古
之紳也又曰士服則素積蓋麻衣皂領袖下素裳是
也今何帶易以縑素積易以藍衫近讀大明實錄然
後知太祖以學校爲國儲材而士子巾服無異吏胥
宜有以甄別之令工部製式凡三易之自命用玉色
絹布爲之寬袖皂緣皂縑軟巾垂帶謂之襴衫又聞
常親服試之至今藏於內府蓋無取於前朝之式及
其以貢舉入監國初不變所服洪武末許戴遮陽帽

遂因私戴之洪熙中上問着藍衣者何人左右以監
生對上曰敎着青衣好看乃易青圓領也

七修類藁卷八終

七修類藁卷八

國事類

二五

七修類藁卷九

明仁和郎瑛仁寶著述

國事類

周張二仙

太祖與陳友諒戰鄱陽湖時有周顛仙者謁道左上命登舟一語不發上問伐友諒何如對曰前途覆舟又曰破一箇桶又一箇桶上怒令推水中見其不溺而行於水面復召之同舟無何舟果覆眾皆驚駭得周而免又有鐵冠道人張中字景華者時亦從太祖在舟友諒中流矢兩軍莫知也道人望氣語上曰友諒死矣使上作文遙祭陳軍遂爲奪氣敗去見宋學士文集吁二人皆仙也今人但知劉伯溫金木相尅使太祖避於午時之說而不知二仙已先從太祖於舟天時人事已際遇矣友諒雖勢大安能勝之

本朝取天下先後

至正壬辰閏三月一日聖祖起兵濠州徇定遠攻泗州靈壁破元平章也先帖木兒兵因取滁州六合率趙德勝耿再成禦却元師乘勢取和州真州渡采石

取太平集慶鎮江 卅州嚴州廣德長興寧國宣州江
陰徽州揚州池州建德婺源浦江宜興衢州蘭谿親
征婺州改爲寧越府取諸暨紹興遂歸方氏溫台慶
元復池州征安慶拔處州又降福寧州大戰龍灣破
友諒之師復太平安慶因取信饒親征九江走友諒
又降建昌南昌龍泉袁瑞撫吉以及蕲黃與國沔陽
苗將作梗吳兵來圍劉基撫定三衢天壁誓拔處州
南昌復而江石全友諒滅而武昌震陳理歸降常德
荊州衡陽夷陵安陸襄陽贛州南安後先歸附悉師

七修類稿卷九

國事類

二

淮東海安泰州通州高郵淮安濠泗廬徐宿州以次
收降李文忠降杭州進取紹興華雲龍取嘉興而俞
通海亦取太倉崇明嘉定崑山松江遂從徐達進圍
蘇州士誠執而浙西寧國珍降而浙東定自此湯和
南入閩中徐達師出長淮克沂州嶧州向青州轉取
濟南萊登以及東昌東平濟寧引而西上黃河取陳
州汴梁河南虎牢陝州潼關鄧愈出襄陽亦攻克南
陽唐鄧葉縣舞陽魯山汝寧隨州德安以及金商鄖
陽均房裕諸州河南無兵以師而北檄諸將會於東

呂薛顯踰源傅友德馮宗異取衛輝廣平彰德懷慶
澤潞平陽絳州拔臨清德州郭英進破通州元主北
走徐達因克元都遣將徇下順德河間保定真定以
至平定州謀取山西而胡美何文輝入杉關取建寧
檄定興化泉州汀州失楨取福州湯和克延平而邵
武漳州亦望風納欵楊璟攻克永州寶慶道州杜陽
常寧武岡全州移師靖江廖永忠朱亮祖自福州海
道進取潮州惠州廣州陸仲亨胡通自贛州由南安
畧韶州南雄肇慶連州與永忠亮祖會于龍潭永忠

七修類藁卷九 國事類 三

馳檄海南海北九真日南三十餘城皆納印請吏自
是沂河由肇慶德慶行定蒼梧鬱林潯貴永忠向南
寧亮祖以兵會楊璟屯于象鼻山克靖江又降田州
太平永忠亦取南寧柳州象州賓州降其平章阿思
蘭兩廣入圖班師還朝即命率師偕徐達北伐達已
先自北平率常遇春郭英傅友德襲擴廓破王保保
遂取太原乘勝遣將取武州朔州大同宣府燕代復
寧引而西破鹿臺由河中趨潼關師抵西安降王武
踰隴州破任從攻進取鳳翔臨洮又降李思齊遂征

平涼遇春還師北伐大破元也速之兵東畧全寧大
輿上都徐達亦督諸將復慶陽斬張良臣文忠徑由
鴈代救大同擒脫列伯軍威奮揚元主遠徙雖絕恢
復之念每肆憑陵之毒由是徐達三師定西而寧夏
延安甘肅瓜沙始復漢唐之舊文忠屢出野狐而興
和合刺開平應昌驢駒乃無達鵠之庭北狄旣平西
師復舉馬雲出鎮遼左以安載觀友德連拔階文綿
漢直趨成都永忠襲破瞿塘夔州亦抵重慶明昇出
降戴壽就擄再克保寧遂收四川歲在辛酉雲南是

七修類稿卷九

國事類

四

征鳩赤水徇曲靖戰白石舉雲南收永寧城烏撒徇
建昌澂江臨安尋洵楚雄襲大理定鶴慶麗江車里
平緬擊破烏撒東川建昌芒部雲南叛酋楊苴等斬
首九萬級檄定百蠻之種威加八佰之邦雲貴俱平
友德功第一沐英次之自是內而湖廣四川雲貴化
外諸州若宜慰宣撫安撫軍民指揮長官等司外而
安南朝鮮南海西域等九十國皆奉表入貢而一統
之業成焉其間武將持戈血戰之危謀臣山竒破敵
之劇明良際遇之艱兇獷服馭之難輿誦厥迹令人

惕然至十七年而始一統者自古取天下皆先中原而後江南今自南而北勢不同也茲以閩人吳樸所序事體不差但中漏者補之訛者正之足其年月如右云

妄稱林兒

韓林兒世里起兵已載前卷閩當時傳乃虜國公次子爲韓內侍所養山童得以爲子自稱徽宗九世孫也國號宋汝楨劉福通等各尊爲小明王晉冀河南大半爲其所有故太祖龍灣之捷諸將亦欲奉之爲

七修類彙卷九

國事類

五

帝惟劉基以爲彼牧豎爾不肯拜又龍飛紀畧以太祖行移則稱其爲皇帝聖旨自稱吳王令旨直至林兒死方建號稱年然予據朱氏世德碑言果承其正朔稱龍鳳年號受其官爵稱吳國公等語若是必惑於當時訛傳之事矣紀畧又比之更始劉盆子此已非或謂遲不建號比周文王以服事殷此則尤非也想國初臣下多一時武將太祖旣與之合又以先入之言爲主未暇細詢至二十七年元旣亡而林隨以死天之顯示可知矣

二楊真識

漢庶人因成祖喜而不當繼嗣遂有謀逆之念仁宗踐祚已每有輕之之意及賓天遂移檄以誣夏忠靖等奸邪誤國特未出兵耳夏等入謝罪宣宗曰是假卿名以興兵耳命坐屏人語則楊文敏公首勤親征以往事可鑒數十言剴切之甚且曰兵貴神速遂兼程而進六師臨城始大驚出降罪人既得朝廷遣尙書陳山迎駕山因進曰移師趙府一鼓可擒也文敏亦曰時不可失上令楊文貞公草勅文貞曰事須有

七修類稿卷九

國事類

六

實鬼神可欺哉與文敏反覆辯其朝廷止一親叔當過厚而反入其罪皇祖之靈安乎上不懌還京過日召文貞曰皇考與趙王最友愛當思保之道吾封羣言差人賫去俟其自處趙王得璽書及言者章即日獻護衛上表謝恩自此上待趙益厚嗚呼二府非文敏文貞言之懇懇則罪人何一時卽得而朝廷至親死於無辜親親之道安能盡耶

詳見三朝聖諭錄

山後諸州

按大明實錄洪武二十二年五月遣使勅諭故元遼

主阿里失禮等於大寧等處立三衛焉以阿里失禮
爲大寧衛指揮使塔賓帖木兒爲指揮同知海撒男
答爲溪福余衛指揮同知脫魯忽察兒爲朶顏衛指
揮同知各領所部以安畜牧觀此則長陵未許北虜
時而山後諸州先皆爲其屬矣况復與之耶此亦當
時之失計故居庸之外所恃爲藩籬者止宣府耳而
遼陽一帶不可通也

滁陽王

至正壬辰汝穎兵起定遠郭子興拔濠梁據之時太

七修類稿卷九

國事類

七

祖潛民間爲訛言所逼懼禍將及遂挺身入濠梁抵
其城爲門者所執將欲加害人以告子興子興親馳
活之撫之麾下間召與語異之取爲親兵居數月子
興謂曰汝單居當爲汝婚子興暮歸與夫人飲食語
及斯事次日夫人忽見惋惜謂曰方今兵亂正當收
召豪傑是子舉止異常君不撫於家使爲他人之親
是失智矣子興悟遂以女妻之孝慈皇后是也後子
興南至河陽薨歸葬滁州洪武初追封滁陽王立廟
於滁祀之又以其女爲妃生蜀王豫王如意王洪武

十六年十一月七日上親藁子興事實召太常丞張

來儀諭使爲文刻于廟石

文載中
都志

議親功臣

皇明祖訓所載合議親戚之家內係功臣五人魏國公徐信國公湯曹國公李西平侯沐武定侯郭我朝帝女下降后選庶人皆法二帝三王之道也然觀其所載如此可見其厚待五人矣

國初文臣生封武臣見在考

國初文臣受封爵李善長以中書左丞封韓國公汪

七修類稿卷九 國事類

八

廣洋以中書右丞封忠勤伯劉基以御史大夫封誠意伯後汪李皆賜死絕封惟劉善終襲封武臣封公侯今在者惟中山王徐黔寧王沐武定侯郭懷遠侯常嗚呼不數十年而功臣皆沒哀哉

仁廟聖學

野記載仁廟資質甚美詞翰並精聖學外尤喜舉業每試錄至則票摘瑕處以語宮官極允常也又瓊綴錄載仁廟和曾子棨着棋詩云二國爭強各用兵擺成隊伍定輸贏馬行曲路當知道將守深宮戒遠征

乘險出車收敗卒隔河飛砲下重城等閒識得軍情
事一着功成見太平王公以詞意宏偉似勝曾詩子
意曾詩惟第二句并結得體豈得如此詩句句有意
趣也昨見褒談中載仁廟與王汝玉一札乃欲學詩
學表之事孜孜數百言甚爲好學然後知野記之言
不誣詩之所以妙也

劉成

劉成靈璧人從太祖取金陵等處陞總管改海寧衛
指揮征僞吳張士誠提兵往來浙西多有功焉後殺

七修類稿卷九

國事類

九

賊中流矢傷額而死朝廷無報功之典今功臣錄中
以爲人思其功而立祠祀之今攷浙西之地無聞焉
恐亦傳聞之事歟

墓在
廣德

寧王

寧獻王權高廟第十六子也封於大寧大寧卽朶顏
等三衛之地靖難師起與之協謀蓋燕時兵力不敵
特藉大寧胡將指揮兀良哈人馬以取中原耳太宗
登極寧王入見願以遷國入內地於是遂居南昌一
以註書作畫爲事以消朝廷相疑之心而大寧之地

既無王府又無守將原得其兵之力也因棄與之矣
正德末年寧王之孫宸濠叛逆賜死

毛老人

國初朝覲凡州縣老人亦與焉某年太祖問老人曰
朕築室後湖爲藏天下黃冊當作何向一人曰當東
西相向早晚日色所曬庶無濕潤太祖既喜問姓名
曰毛某因賜酒飯上曰汝言有理卽托守之俾無鼠
耗遂埋於其地以其姓故至今雖有鼠而黃冊無恙弘治
間郎中東莞鄧琛管冊於湖偶見一老人揖曰吾爲

七修類稿卷九

國事類

十

朝廷守此百四十年一冊不爲鼠傷未嘗蒙管冊諸
公之賜恐非所以待有功也言訖不見明日鄧具牲
醪祀之至今爲常

大明年數

太祖洪武元年正月十日登極崩於洪武三十一年
閏九月初十日建文繼統至四年六月十三日成祖
靖難火逃以建文之年併於洪武謂洪武三十五年
也成祖是年七月初一日卽位崩於永樂二十二年
七月十八日仁宗卽位於永樂二十二年八月十五

日崩於洪熙元年五月初四日宣宗卽位於洪熙元年六月十二日崩於宣德十年正月初三日英宗卽位於宣德十年正月初十日被擄於正統十四年八月十八日至九月初六日景皇帝卽位於景泰七年十月十七日英宗復位改元天順崩於八年正月十七日憲宗卽位於天順八年正月二十二日崩於成化二十三年八月二十二日孝宗卽位於成化二十三年九月初六日崩於弘治十八年五月初六日武宗卽位於弘治十八年五月十八日崩於正德十六年三月十四日今上卽位於正德十六年四月二十二日

印制

漢唐宋印文多是小篆國朝外國諸衙門者皆疊篆惟總兵者柳葉篆御璽王府之寶玉箸篆疊篆必九摺取乾元用九之說惟歷日印文七疊取日月五星七政義也御史印文八疊取唐臺儀八印義也未知是否二品以上用銀印三品以下是銅印御史者鐵印朝廷璽共九顆在內尙寶監女官收掌用時尚寶

司以揭帖赴內監取用也其文不同各有所用

奉天之寶祀天地用之制誥之寶一品至五品誥命用之皇帝之寶

詔赦聖旨用之皇帝行寶立封及賜勞用之皇帝信寶詔親王大臣調兵用之

天子之寶祭祀鬼神用之天子行寶封建外夷及賜勞用之天子信寶

詔外夷調兵用之勅命之寶六品至九品用之

茶法

洪武二十四年詔天下產茶之地歲有定額以建寧為上聽茶戶採進勿預有司茶名有四探春先春次春紫筍不得碾揉為大小龍團此抄本聖政記所載

七修類稿卷九 國事類 十三

恐今不然也不預有司亦無所稽矣此真聖政較宋取茶之擾民天壤矣

二祖

宋太祖微時過涇州長武鎮寺僧守嚴見其骨相異常使畫工圖青巾褐裘之像於壁後聞登極易以冠服今蘇郡西天王堂土地絕肖我太祖高皇帝見都公談

纂聞當時亦至其地而化主楊氏異焉遂令塑工像

之後聞人言像太祖即以黃絹帳之於外不容人看

意者尚當易之可也

杭丁田

洪武初年沈留公差自杭州赴京奏稱杭州市民不務生理專服美麗衣服出入公門結交官吏說事過錢壞法害民太祖皇帝曰浙江等處及直隸府州市民着他見丁出錢買馬往北地當驛站故至今爲丁田馬丁云

衣服制

洪武二十三年三月上見朝臣衣服多取便易日至短窄有乖古制命禮部尚書李源名等叅酌時宜俾

七修類彙卷九 國事類

十三

有古義議凡官員衣服寬窄隨身文官自領至裔去地一寸袖長過手復回至肘袖椿廣一尺袖口九寸公侯駙馬與文職同耆民生員亦同惟袖過手復回不及肘三寸庶民衣長去地五寸武職官去地五寸袖長過手七寸袖椿廣一尺袖口僅出拳軍人去地七寸袖長手五寸袖椿七寸袖口僅出拳頒示中外嗚呼今婦人之衣如文官其裙如武職而男子之制迥殊於此是時制耶

郭德成

木朝功臣多不壽終驍騎郭德成終身以酒自污一日授某府都督懇辭上怒曰爾兄弟皆侯辭何說也德成泣曰臣非草木不知聖恩但臣懶慢耽酒位高祿重事有失職却殺我也人所樂不過多得錢飲美酒隨意自適上喜遂賜黃封白金一日既醉免冠上見髮禿曰風酒漢髮毛如此非酒過耶德成叩首曰猶厭其多欲盡剃光耳上默然既醒悔其觸諱遂盡剃披僧衣唱佛曲上乃謂其妹寧妃曰前謂戲言今寔爲之非風而何德成嘗見兄弟宣武威襄征鎮四方經時不回則曰虛名也好聽辛苦也好受爭如我樂也終亦以功名卒高人哉惜功臣不載

御對

太祖一日御奉天殿太宗建文侍焉因指立仗馬出對曰風吹馬尾千條線建文對曰雨打羊毛一片氈太宗曰日照龍鱗萬點金占此則一委靡而一發揚成敗可知矣

石龜

南京紫金山卽古之鍾山蔣山也我太祖高皇帝陵

寢在焉葬之時掘土數尺見一石龜頸長數寸首足
口目皆具今藏于太廟久晴而腹下有水則雨久雨
而腹下乾焉則晴其異如此

七修類藁卷九終

七修類藁卷九

國事類

十五

七修類藁卷十

明仁和郎瑛仁寶著述

國事類

藍玉北征

洪武二十年冬聞漠北復立脫古思帖木兒爲主遣永昌侯藍玉討之玉得降人脫脫等言故元丞相哈喇章等亦遁入和林乞進兵共勦二十一年春遣定遠侯王弼等七將軍從征四月聞虜主在捕魚海兼程進至百眼井哨不見虜將還弼曰吾等深入徒勞

七修類藁卷十 國事類

師旅將何以復命哉復進偵知虜營在海東八十里直薄其營始虜以我軍乏水草必不深入大軍忽至其酋太尉蠻子率衆拒戰被殺虜主與其子天保奴知院捏怯來等遁去獲其次子地保奴妃子等六十人及故太子妃公主吳王代王等三千六十人軍士男女八萬得寶璽金銀印圖書牌面百五十三車三千輛馬駝牛羊十餘萬又破哈喇章營六月獻俘京師命有司給第餼養旣而有言玉嘗私元主妃上怒曰此豈大將軍爲耶元妃聞知惶懼自盡地保奴由

是有怨言因以遣使送琉球二十二年六月惶怯來
等遣人受降知虜主至和林爲也速失兒所害此實
錄之畧也可謂讐凶報千古藍玉之功也惜玉後累
立功以爵不負望遂至謀逆誅或云謀於私妃并張
尙書之譖皆非也

國初忠臣

太祖之得天下東征西伐所至風靡至有折將喪師
之地不過一二惟陳友諒最爲勍敵殺畧相當故豫
章有忠臣廟康山有忠臣廟外此又有無廟者第二

七修類彙卷十 國事類

張士誠第三征西雖名曰羌賊征北雖曰元孽多因
王保保也第四伐雲南梁王第五伐蜀夏主雖名爲
征伐亦若追捕而已至於拔元都可謂不費一矢也
若浙之金華處州亦沒重臣數人今逐一開出庶知
各有所係也

趙德勝 李繼先 劉齊 許圭 趙德昭

朱潛 牛海龍 張子明 張德山 夏茂成

葉思成 趙天麟 徐明 葉琛

已上一十四人國初壬寅歲三月南昌降將祝宗等

復叛癸卯夏僞漢陳友諒圍南昌文武諸臣與之戰死者朝廷追念忠義命有司立廟南昌城中塑像歲時祀之

韓成 宋貴 王勝 陳兆先 李信

姜潤 丁普郎 王鳳顯 程國勝 后明

常惟德 王德 王咬住 朱鼎 張志雄

李志高 汪清 常德勝 鄭興 袁華

昌文貴 金昶 陳冲 王喜先 汪澤

丁宇 遂德山 羅世榮 史德勝 徐公輔

七修類彙卷十 國事類 三

劉義 陳弼 裴軫 王理 王仁

曹信

已上三十六人國初癸卯歲四月僞漢陳友諒以重兵自武昌來圍洪都日久守將大都督朱文正遣使告急請援七月上親帥諸名將統舟師二十萬往討之友諒解圍東出鄱陽湖以迎我師遇于康郎山歷戊子己丑庚寅等日連與大戰是時諸臣皆奮擊其間多效死者友諒既滅中書省以死事之臣列進遂封贈勲爵有差建忠臣祠於康郎山設像其中命有

司歲時祭之

朱文遜死太平 俞廷玉死安慶 賀興隆死寶慶 葉琛死洪都

張德勝 吳昇 吳晟已上死 楊興 孟

良已上死鄱陽湖 劉友仁死池州 曾萬中 曾粹中 劉齊

陳海已上死吉安 夏德潤死草坪驛 花雲 許瑗已上

死太平 馮貴死吉安 朱華死洪都 趙中 王鼎已上

死太平 謝真死龍灣

右通廿有二人亦因陳氏而死者時事不一俱見實

錄功臣錄龍飛紀畧

七修類彙卷十 國事類 四

俞通海 楊國興 劉聚 李覺 王國寶

茅成已上死 廖永安被擒死 桑世傑死江陰 歐智大死長

興周死餘杭 李夢庚死紹興 耿君用 耿瑞已上死

興王死常州 劉成死長興

右通十有五人因張氏而死者事實亦見三書也

江興祖 朱顯忠已上死文州 曾貴死松潘 費成死文州

何文忠死至楚

右五人征蜀而死者時事見功臣錄

陳壽國死慶陽 于光死蘭州城下 劉益死遼東 霍輝

楊廣 李清 李實 何應龍已上死 陳

壽死原 劉林 鄧瑜已上死 孫虎死落 周

顯武 尉魏 實孫 斌朱 原杜

榮張 燿李 傑已上死 平定 龐 祗死

郎孫興祖死三 曹良臣死和 劉廣死永 濮英

章存道死斷

右通二十七人征西征北而死者時事不一不能備

述俱見前二錄

趙旺死白 周旺 李恭死大 費成 狄

七修類纂卷十 國事類 五

崇死雲 徐榮死曲 王禕 吳雲並奉

右通八人伐雲南而死者時事不一不能備述俱見

功臣錄二忠錄也

胡大海 王愷 高子玉已上死 王道童 耿再

成孫 炎已上死 嚴德死台 周迪死廣 胡

深死福 林遇春死廣 關敏死南 宋國興死南 濮

真死高 朱文剛死處 曾封死慶

石通一十五人各地死者時事不一不能備述俱亦

見前三書

建文忠臣

建文間死節之士子得諸文廟榜示奸惡官員姓名
二紙及傳於文獻者共百廿四人隨名攷事舊有私
抄一帙後為兵火所失今思周武應天順人夷齊甘
死首陽兩不相妨况文廟嘗曰彼食其祿自盡其心
練子寧在朕當用之昭廟又曰若方孝孺皆忠臣也
乃肆赦宥其子孫至天順間雖建庶人亦宥之善善
惡惡亦難揜也又思楊文懿公嘗請輯建文中事謂
不可滅則是史逸之矣今謹錄其名氏官籍於左有

未知者缺之待博識者補焉

七修類稿卷十 國事類

六

齊泰溧水人兵部尚書黃子澄分宜人太常卿方孝孺寧海人翰林侍講謝

貫北平都司張昂澤州人北平布政葛誠燕府長史宋忠鳳陽衛指揮馬宣

都指朱鑑都指曾濬蘄州衛鎮撫彭聚都指孫泰都指耿

炳文濠州人俞通淵巢縣人莊得都指楚智都指鄭華臨海人

判平通黃觀貴池人禮部侍郎王叔英黃巖人周是修泰和人

善顏伯璋廬陵人沛縣知縣廖昇太常少卿王良開封人曾鳳

韶廬陵人魏公冕永豐人鄒公瑾永豐人高巍遼東人

王良吉水人黃鉞常熟人王省吉水人王偵卽省

修撰 給事中 梁敘諭 子夔

州通判 陳迪 宣城人 劉政 蘇州人 浦 練安 新淦人 侯泰

刑部 郭任 丹徒人 戶 盧迥 仙居人 戶 暴昭 山西人 刑

尚書 郭任 部侍郎 禮 胡子昭 鄱陽縣人 刑 卓敬 安

毛泰 吏部侍郎 黃魁 福建人 禮 胡子昭 部侍郎 戴德彝 奉化

人戶部 茅大芳 泰興人 胡閏 鄱陽縣人 宋徵 宗人 陳

侍郎 遺 盧原質 寧海人 廖鏞 巢縣人 散 宋徵 宗人 陳

繼之 莆田人 韓永 西安人 高翔 朝邑人 董庸 御史 王度

歸善人 巨敬 平涼人 甘霖 懷寧人 鐵鉉 鄧州人 山

御史 王彬 兗州人 崇剛 揚州衛 陳彥回 莆田人 林嘉猷

寧海人 鄭公智 寧海人 程本立 崇德人 江 葉惠仲

西僉事 七修類彙卷十 國事類 七

臨海人 姚善 六安州人 鄭恕 仙居人 蕭 程通 績溪人

主事 陳思賢 茂名人 漳 盧振 謝昇 周璿 諸城人 黃彥清

國子 高不危 牛景先 張統 富平人 戶 徐輝祖 魏

公嫡子 李堅 武陟人 耿清 真寧人 御 龔泰 義烏人 陳性

善 山陰人 禮 平安 藁城人 樓璉 金華人 劉真 台肥人

何福 都 俞逢辰 水陽西鎮人 王璉 日照人 寧 周縉 武

史 高賢寧 濟陽人 徐宗實 黃巖縣人 劉璟 青田人 長

史 吳惟原 陳應宗 林珏 鄒君默 曾廷瑞

呂賢 俱漳州府學生 葉希賢 號雪菴松陽人 高遜志 蕭縣人 吳高

小萬

俞瑱

馬溥

壽州人

宋瑄

定遠縣人

陳暉

洮州人

袁宇

壽州人

孫鎮

合淝人

薛嵩

閿鄉人

王大

王稔

都督

金華

錢芹

蘇州人

魏澤

溧水人

孫狗皮

徐州人

軍斷事

海典史

小馬王

臨淮人

東湖樵者

王公

隱東

彭二

北平人

都司

指樵

崑山人

朱景

泰興人

廖應龍

麻城人

陳忠

鄞人

長史

部主事

石撰

平定州人

鹽鈔

國朝頒鹽於民而歲收其鈔故曰鹽鈔今鹽不頒而

徵銀如故何燕泉先生嘗論祖宗良法不得推行如

七修類彙卷十 國事類

八

鹽鈔一事今徵銀又不停止無一人言者可慨也予

以何非可言者耶不言利國也垂之書利名也燕泉

亦有是哉

本朝定都

太祖建都南京和尚金碧峯啓之

見客座

成祖遷都

北京尚書李至剛啓之

見野記

宸濠逆謀始終畧

宸濠江右寧王名也乃婢妾馮針兒生於成化十四

年六月十三日是夜其祖靖王夢犬咬傷一家明發

鴟鳴寢殿王心疑之忽生濠王曰此必妖孽也命爲
澆死其子以他女代而藏之至八月詭言別妾生男
卽位後信任羣小丞淫父妾賄結朝廷權要擠陷本
省官員誣害本宗叔姪羅織各王金銀招集四方流
賊劫掠官民財產上下敢怒不敢言又有術士李自
然等每稱八字好當爲天子於是心事益橫科道久
聞至正德十五年四月御史蕭準輩交章劾之朝差
三堂往看濠懼乃定計以衆官謝生日酒時借言有
旨而後發逆時巡撫都御史孫遂請看密旨兵備副

七修類稿卷十

國事類

九

使許逵大爭罵之當爲所殺遂禁三司傳檄列郡收
各衙門印章僞授文武官職集兵四萬餘號稱十萬
十七日命內官涂欽率賊人吳十三等出爲先鋒往
攻九江南康一時皆破遂進攻安慶爲兵備都司楊
銳指揮崔文死禦不克七月一日濠處分內事已定
祭旗同妃自督兵出湖併攻安慶卜之湖神不吉縱
火而去不知提督汀贛都御史王守仁十五日豐城
聞變急回駐節與知府伍文定協謀起兵激以忠義
檄傳列郡期於七月十四日會兵臨江樟樹十九日

襲破賊之西山墳廟二十日五更七門發兵一鼓而
進賊巢遂爲壘粉矣濠聞回舟黃石磯憮然自嘆猶
以金賞將士二十四日遣承奉劉吉等率賊交兵於
東湖官兵佯敗誘之至八字腦四面合擊二十六日
妃子輜重同時溺水濠爲知縣王冕所擒僞太師致
仕都御史李士實國師舉人劉養正等以次就縛溺
水斬戮者不可勝計二十七日追勦餘黨官軍凱旋
自謀叛至終不過五十餘日生靈死者十萬餘追憶
濠生當戊戌非犬乎咬傷一家則濠生時殘害石城
弋陽各府致親叔姪禁錮死後連及親王二三十人
非咬傷一家者乎至言八字好者乃八字腦爲受死
之地黃石磯者王失基也雖濠之惡貫滿盈理自族
滅亦豈非其大數哉

彭趙二名

太祖本紀與各書云太祖初至濠寓滁陽王郭子興
麾下時徐寇有彭趙二人爲元軍所敗率敗卒入濠
濠帥又有俞魯潘孫四人皆爲彭趙所屈然俱與趙
厚也獨郭則與彭合四人恃趙擒王囚之太祖聞之

挺身率衆劫王出諸書皆不書彭趙之名蓋彭名早住趙名均用趙稱勇義王彭稱魯淮王後彭爲趙併趙殺毛貴據有益都不久復爲毛黨殺之

君知天象

洪熙間星變上召輔臣問知否俱對不知上曰天命之矣嘆息而起明日召楊士奇蹇義諭曰二十年爲讒間心甚艱危賴皇考仁明得至今日吾去世後誰復知吾三人者

楊蹇舊東宮官

踰月晏駕成化間星變亦召

輔臣問識否對以國家有禁不知上曰禁外人大臣

豈可不知據是則本朝人君必皆習知天象

二十四王

太祖二十四子生母五人長懿文太子標第二秦愍王棧封西安第三晉恭王桐封太原第四燕王棣原封北平今入繼大統第五周王橚封開封高后所生也第六楚王楨封武昌第七齊王榑封青州廢第八潭王梓第九魯荒王檀封兗州第十蜀王椿封成都第十二代王桂封大同第十八谷王穗封宣府第十二唐王樞封南陽第二十三郢王棟封安陸絕第

二十四伊王儼封洛陽皇妃所生也第十一湘獻王
栢封荊州第十三肅王煇封甘肅第十九韓王松封
安東第二十瀋王模封潞州皇貴妃所生也第十四
遼王植封荊州第十五慶王懋封寧夏第十七岷王
榘封寶慶皇貴人所生也第十六寧王權封大寧遷
江西今絕第二十一安王楹封安州皇美人所生也
右天潢玉牒之數人予得於顧尙書者今魯府所刻
玉牒又以高后止生成祖與周王因其不同故錄出
之

朱亮祖

永嘉侯朱亮祖功臣錄以其在廣東所爲不法番禺
知縣上其事上以功臣但罷職居江寧縣後爲病卒
子暹先父卒御製文集則曰使鎮嶺南擅權貪取歸
不服責朕怒而鞭之不期父子俱亡就葬已責之地
觀此一事則錄有不實者矣

天子動與天合

嘗聞南京國子監將成高祖空中望之曰似蜈蚣形
他日奏監中多蜈蚣不可居遂命左首山可喚爲雞

鳴必能食蜈蚣也已而果無又嘗命劉三吾圖所居山水來看圖上太祖笑曰何用許多但突兀處俱以筆抹之無何其山一夕爲雷所震突兀處悉平如前毛老人使爲土地遂至今無鼠真可爲動與天合也此與光武之冰合宋祖命王審琦飲酒一同是知創業之君非常也

太祖義子

聞太祖初取天下有養子十餘人或爲其至親或因其年稚或見其幼勇俱使從其姓名得其要地遂使

七修類稿卷十

國事類

十三

同將官守之今見於史者如朱文遜守太平而死朱文剛守處州而死朱文進則未見其下落名特載於龍飛紀畧朱文忠後復姓爲李文忠乃甥也朱文輝朱文英後皆復姓爲何文輝沐英因其幼而撫成者也朱馬兒後亦復姓爲徐司馬惟朱文正實錄功臣錄俱未明白據朱氏世德碑乃姪也世亦以爲義子非也

神詩

洪武五年中書右丞建昌王溥遣人奏稱近督取材

木於建昌蛇古巖衆見巖上黃衣人歌曰龍蟠虎踞
勢岩崑赤帝重興勝六朝八百年餘王氣復重華從
此繼唐堯其聲如鐘太祖以爲不當信也嗚呼視天
書封禪者遠矣

黃伯固疏文

闕人黃鞏字伯固正德己卯爲武選郎中時朝廷有
旨南巡江西寧藩蓄逆已久上不以爲憂也大臣科
道交章不聽黃以其事出邊將江彬之誘因疏六事
今錄其文不惟見黃之文行真爲可傳而武宗一時

七修類彙卷十國事類 古

之事可悉知也其畧曰陛下臨御以來祖宗之紀綱
法度一壞于逆瑾再壞于佞倖又再壞于邊帥之手
至是將蕩然無餘矣天下知有權臣而不知有陛下
者寧忤陛下而不敢忤權臣陛下弗知也亂本已生
禍變將起竊恐陛下知之晚矣試舉六事于今爲至
急者爲陛下陳之其一曰崇正學嘗聞先儒周敦頤
有曰聖人定之以中正仁義而主靜立人極焉又曰
吉凶悔吝生乎動吉一而已動不可慎乎故惟聖人
爲能主靜惟君子爲能慎動仰惟陛下聰明天縱有

古帝王之資然其所以盤遊無度流連忘返者無乃動之過乎論思勤講之臣職在格心於是乎不能辭其責矣伏望陛下高拱九重凝神定慮屏紛華斥異端遠佞人招延故老咨訪忠良可以涵養氣質薰陶德性而聖學惟新聖政日舉矣其二曰通言路嘗聞言路者國家之命脈也言路之通塞國家之治亂係焉切見近時臣僚奏牘間或言及時政往往匿不以聞其或事關權臣則又留中不出而中傷以他事夫古之明主導人以言用其言而顯其身後世則不然不用其言而反罪焉今則又不然不使其以言獲罪而以他事獲罪由是雖有安民長策謀國至計無因以達于九重之前雖有必亂之事不軌之臣陛下無由而知之矣天下焉得而不亂哉伏望陛下以從善爲心以聞過爲喜如此則忠言口進聰明日廣雖亂臣賊子亦將有所畏而不敢肆矣其三曰正名號嘗聞孔子有曰名不正則言不順言不順則事不成禮樂不興刑罰不中民無所措手足凡以名不正之故也陛下近日以來無故自稱爲威武大將軍太師鎮

國公遠近傳聞莫不驚疑以陛下聰明知勇上嘉唐
虞下樂商周何所不至顧乃自輕如此奈宗廟社稷
何夫陛下自稱爲公誰則爲陛下者天下不以陛下
事陛下而以公事陛下天下皆公之臣而非陛下之
臣也伏望陛下卽日削去鎮國公等名號以昭上下
之分以明示天下之人庶幾體統以正而朝廷自尊
矣不然古之天子亦有號爲獨夫與欲爲匹夫而不
可得者竊爲陛下懼焉其四曰戒遊幸嘗聞大禹曰
罔遊于佚罔淫于樂周公告成王母淫于觀于佚于

遊于田春秋譏觀魚終綱目書巡者二十九皆譏也
陛下始時遊戲不出大庭馳逐止在于南內論者猶
謂不可旣而幸宣府幸大同幸太原幸陝西榆林諸
處所至費財動衆州縣騷然至使民間一夫一婦不
能相保陛下爲民父母何忍使民至此虧損盛德貽
譏萬世陛下自視爲何如主也近者復有南行巡狩
之命南方之民爭先挈妻子以避去者流離奔踣敢
怨而不敢言卽今江淮之饑父子兄弟相食天時人
事如此以休息愛養猶恐不支况又重以感之其何

不流而爲盜賊速而爲死亡也哉姦雄窺伺待時而發變生在內則欲歸無路變生在外則望救無及陛下斯時悔之晚矣彼居位大臣用事中官親暱羣小皆欲陛下遠出而後得以擅權自恣乘機爲利也其不然則袖手旁觀如秦人視越人休戚之不相涉也夫豈有一毫愛陛下之心哉彼誠愛陛下獨忍使陛下馳逐蒙塵而莫之救止也伏望陛下深維往事之非翻然悔悟下哀痛罪已之詔與民更新罷南巡撤宣府行宮示不復出發內帑以賑江淮之饑散邊軍

以歸平伍斥不御之女以各還其家雪既往之謬舉收旣失之人心如是則尙可爲也其五曰去小人嘗聞開國承家小人勿用自古小人用事未有不亡其國而喪其身者也謹按今之小人簸弄威權貪圖富貴者實繁有徒至於首開邊事以兵爲戲使陛下勞天下之力竭四海之財傷百姓之心至今紛紛未已者則江彬之爲也彬本行伍庸流兇狠傲誕無人臣禮臣等但見其有可誅之罪而不見其有可賞之功今乃賜以國姓封以伯爵托以心腹付以提督京營

之寄此養亂之道也彬外拔邊帥內擁兵權騎虎之勢不亂不止天下之人切齒唾罵皆欲食彬之肉彬不誅天下之亂必自彬始陛下亦何惜一彬以謝天下哉伏望陛下大奮乾綱將彬下諸廷尉明正典刑以爲姦邪小人迷亂之戒其六曰建儲貳嘗聞漢人有言曰太子天下本本一搖則天下震動夫有本而搖天下猶震況於無本其何以安洪惟陛下春秋漸高前星未耀祖宗社稷之托懸懸無所於寄方且遠事觀遊屢犯不測之區此必危之道也陛下徒知收

七修類稿卷十 國事類 十八

置義子弟布滿左右獨不能豫建親賢以承大業臣以爲陛下殆倒置也伏望陛下早及是時將近時羣臣建儲章疏通共檢出宣示皇親勳舊及在廷文武大臣共圖大議卽於宗室中遴選親賢一人養于宮中以繫四海之望待他日誕生皇子之後俾其出就外藩如此則繼體有人國本以固實宗社無疆之休惟聖明其畱意焉車駕員外郎陸震見其疏稿願出署名以進疏旣入自分必死爲書別知友託以後事及收拾遺文彬果大怒欲必宣之死乃下詔獄廷跪

五日杖百餘除名陸震死輦體極修羸幸得甦以詩
遺弟曰不用汝謀方至此須知我道固當然可謂萬
死而不悔也

七修類彙卷十終

七修類彙卷十 國事類

九

七修類彙卷十一

明仁和郎瑛仁寶著述

國事類

靖難功

太祖初封諸王各以一高僧相之時姚廣孝預白成

祖曰殿下能討臣輔佐當使殿下戴一白帽王字上加白字

於是奏討之及至藩又告曰浙東袁珙即柳天下相

法第一乞假以其名隸尺籍勾取到燕使相之珙因

極道天表之盛曰髯過臍必登大寶為二十年太平

七修類彙卷十一 國事類 一

天子後建文間朝廷多大防燕燕亦逡巡未舉指揮

張玉進曰安可束手待縛遂奪九門殺三司一鼓而

兵出矣是知成祖之有天下始於姚定於袁成於張

也然非姚則不萌非袁則不決非張則不驟姚非天

意有在而致此三人之言耶

李陸

正德初大臣議攻劉瑾西崖李公俛首不語蓋與劉

厚也後劉公健謝公遷被斥回曰李公祖道歛歛劉

曰當日出一語不用今日泣也及後呂公柝斤回之

日陸公完亦祖道相送陸曰公去矣予不知何日得
行呂曰汝真心去我在三十里外等君劉言可謂刀
劔呂言可謂藥石

侑食樂章

國朝祭天地郊廟朝會樂章板行於世惟侑食樂章
人未知之故錄於左乃洪武十五年三月禮部尙書
陶凱所作也其文見於皇明實錄者樂惟九奏見於
龍飛紀畧者又多平定天下之舞用士三十二人左
執干右秉戚粧飾盛服辭該一十二句又有撫安四

七修類稿卷十一

國事類

二

夷之舞用東西南北之夷各四人服色依其方樂辭
該六句又有車書會同之舞亦用士三十二人分爲
四行左執籥有秉翟辭亦十二句也予聞樂成凱進
之日帝命協律者歌之因謂侍臣曰禮以道敬樂以
宣和不敬不和何以爲治元時古樂俱廢惟淫詞艷
曲更唱迭和又使胡虜之聲與正聲相雜甚者以古
先帝王祀典神祇飾爲隊舞諧戲殿庭殊非所以道
中和崇治體也今所制樂章頗協音律有和平廣大
之意一切流俗喧澆淫褻之樂悉屏去之然則樂中

又何以雜其百戲隊舞承應者耶子嘗考之龍飛紀畧以樂定於洪武四年實錄乃十五年計此必後更去隊舞太祖聖德之純王道之備於此樂可謂盡善盡美矣今止錄其九奏第一奏炎精開運之曲曰炎精開運篤生聖皇大明御極遠紹虞唐河清海宴物阜民康威加夷獠德被戎羌八珍有薦九鼎馨香鼓鐘鑼鑼宮徵洋洋怡神養壽理陰順陽保茲遐福地久天長二奏皇風之曲曰皇風被八表熙熙聲教宣時和景象明紫宸開繡筵龍袞耀朝日金爐裊祥烟

七修類稿卷十一

風事類

三

濟濟公與侯被服麗且鮮列坐侍丹旻磬折在周旋羔豚升華俎玉饌充方圓初筵奏南風繼歌賡載篇瑤觴欣載舉拜舞禮弗愆同樂及斯辰於皇千萬年三奏皇明之曲曰赫赫上帝眷我皇明大命既集本固枝榮厥本伊何育德春宮厥枝伊何蕃邦以寧慶延百世澤被羣生及時爲樂天祿是庸千秋萬歲永觀厥成四奏天道傳之曲曰馬負圖兮天道傳龜呈書兮人文宣羲畫卦兮禹疇敘皇極建兮合自然綿綿歷數歸明主祥麟在郊儀鳳舞九夷入貢康衢謠

聖子神孫繩祖武垂拱無爲邁前古五奏振皇綱之
曲曰周南咏麟趾卷阿歌鳳凰藹藹稱多士爲楨振
皇綱赫赫我明德尊踰漢宋唐百揆修庶績公輔理
陰陽我冠正襟珮都俞在高堂坐令八紘內熙熙民
樂康氣和風雨時田疇見豐穰獻禮過三爵歡娛良
未央六奏金陵之曲曰鍾山蟠蒼龍石城距金虎千
年王氣都于今歸聖主六代繁華經幾秋江流東去
水無休誰言天塹分南北英雄豈但嗤曹劉我皇昔
住濠梁屋神遊天錫真人服手提三尺渡江來詞臣

七修類稿卷十一

國事類

四

早獻金陵曲歌金陵進珍饌諧八音繼三歎請觀漢
祖用兵時爲嘗馮異滹沱飯七奏長楊之曲曰長楊
曳綠黃鳥和鳴蒿菖呈鮮紫燕輕盈干花溫露日麗
風清及時爲樂芳樽在庭管音嘒嘒絲韻泠泠玉振
金聲各奏爾能皤皤國老載勸載斟明德惟馨垂之
聖經唐風示戒永保嘉聲無已太康哲人是聽八奏
芳醴之曲曰夏王厭芳醴商湯遠色聲聖人示深戒
千春垂令名惟皇登九五玉食保尊榮日昃不遑食
布德緣羣生天庖具豐膳鼎鼐事調烹豈但資肥甘

亦足養遐齡達人悟茲理恒令五氣平隨時知有節
熙哉天道行九奏駕六龍之曲曰日麗中天漏下遲
公卿侍宴多令儀簫韶九奏觴九獻爐香細逐祥風
吹羣臣舞蹈天顏喜歲熟民康長若此六龍回駕鳳
樓深寶扇齊開扶玉几景星呈瑞慶雲多兩曜增輝
四序和聖人道大如天地歲歲年年奈樂何

本朝嶽鎮海瀆碑

奉天承運皇帝詔曰自有元失馭羣雄鼎沸土宇分
裂聲教不同朕奮起布衣以安民爲念訓將練兵平

七修類稿卷十一

國事類

五

定華夷大統以正永惟爲治之道必本於禮考諸祀
典如五嶽五鎮四海四瀆之封起自唐世崇名美號
歷代有加在朕思之則有不然夫嶽鎮海瀆皆高山
廣水自天地開闢以至於今英靈之氣萃而爲神必
皆受命於上帝幽微莫測豈國家封號之所可加瀆
禮不經莫此爲甚至如忠臣烈士雖可加以封號亦
惟當時爲宜夫禮所以明神人正名分不可以僭差
今命依古制定凡嶽鎮海瀆並去其前代所封名號
止以山水本名稱其神郡縣城隍神號一體改正歷

代忠臣烈士亦依當時初封以爲實號後世溢美之稱皆與革去其孔子善明先王之要道爲天下師以濟後世非有功於一方一時者可比所有封爵宜仍其舊庶幾神人之際名正言順於禮爲當用稱朕以禮祀神之意所有定制各各神號開列于後

一五嶽稱東嶽泰山之神南嶽衡山之神中嶽嵩山之神西嶽華山之神北嶽恒山之神

一五鎮稱東鎮沂山之神南鎮會稽之神中鎮霍山之神西鎮吳山之神北鎮醫巫閭山之神

七修類藁卷十 國事類 六

一四海稱東海之神南海之神西海之神北海之神

一四瀆稱東瀆大淮之神南瀆大江之神西瀆大河之神北瀆大濟之神

一各處府州縣城隍稱某府城隍之神某州城隍之神某縣城隍之神

一歷代忠臣烈士並依當時初封名爵稱之

一天下神祠無功於民不應祀典者卽係淫祠有司

毋得致祭於戲明則有禮樂幽則有鬼神其理旣成

其分當正故茲詔示咸使聞知嗚呼此我太祖所以

高出百代見理之切夫豈羣下之意可及哉予嘗親
至東鎮碑下其碑高可三丈書乃詹孟舉之楷考之
於時洪武三年六月頒刻遐想天下之碑亦必如是
耳

金書鏤券文

太祖卽位二年八月大將軍取燕都諸郡畢明年冬
念功臣勞烈之多欲申山河帶礪之誓鑄以鏤券下
禮官議其制有奏唐和陵時賜錢鏤者其孫尙藏因
取爲式事載宋景廉送錢允一序其質鏤其形如瓦高一尺闊二

七修類稿卷十一

國事類

七

尺左右二塊面鑄券文皆刻免罪俸祿之數券文嵌
金故曰金書宋制高濶之制以公侯伯職之不同漸
亦短狹緣其所始乃漢丹書鏤契之意今錄魏國一
篇餘可知也朕聞自昔帝王創業垂統皆賴英傑之
臣削羣雄平暴亂然非首將智勇何能統率而成大
功唐漢初興諸大名將是也當時雖得中原四夷未
盡賓服以其宣謀効力之將比之豈有過我朝大將
軍之功者乎爾達自起兵以來爲朕首將十有六年
廓江漢清淮楚電掃兩浙席捲中原威聲所振直抵

塞外其間降王縛將不可勝數頃者詔令班師星馳
來赴朕念爾勤勞既久立功最多今天下已定論功
行賞宜加爵祿是授爾開國輔運推誠宣力武臣特
進光祿大夫左柱國太傅中書右丞相魏國公叅軍
國事食祿五千石使爾子孫世世承襲朕本疎愚皆
遵先代哲王之禮典茲與爾誓除謀逆不宥其餘若
犯死爾免三死子免二死於戲高而不危所以常守
貴也滿而不溢所以常守富也爾當慎守斯言論及
子孫世世爲國良臣豈不偉歟

見大明實錄

七修類稿卷十一 國事類 八

天師印

洪武二十四年真人張宇奏以前代嘗給正一玄壇
符籙之印今授二品銀印止可施於表箋文移而於
符籙不便乞更別授遂與龍虎山正一玄壇之印制
用六品者也昨會真人府知印云府總四印六品者
銅鑄二品銀印則英宗朝因使拜表回鑾有驗鑄金
易之其文乃正一嗣教大真人府之印自道陵傳下
者則玉印一枚其文乃陽平治都功印雲篆也

陽平治乃

道陵起處至弘治間朝廷恐其隨身有失另碾一顆賜之

至於累朝所賜或金或銀或牙皆圖書也

陳遇

陳遇字中行居金陵元時江東明道書院山長教授
溫州太祖渡江御史秦元薦之上致書徵之與語大
悅俾典戎務咨以機密授供奉不受後又拜學士中
書左丞弘文館大學士太常卿禮部尚書皆辭又賜
金銀緞疋等物亦不受高廟三幸其第引八內賜坐
宴澡浴病則賜醫藥年七十二而終上再三哀悼賜
以棺帛當時在廷以爲公卿無此寵遇子以陳乃忠
於元者故不受職賚焉第畏死而爲太祖致之此元
史所以不收也

開尚書

國朝開尚書濟字來學河南睢州柘城縣和樂村人
選充河南府學訓導洪武五年取入京爲國子助教
尋養病回十四年後六部舉有王佐才太祖復督乃
父蒙同濟至京賜詩一首云春首攜孫出洛陽輪蹄
馥郁野花香嶠函古道殷商逕榮澤荒城叔段邦雪
夜蔡城忠李愬風天赤壁助周郎老人閱景心懷廓

稽首遙瞻拜上蒼濟至除刑部尙書代父賡詩云金
陵王氣起淮陽四海俄聞德澤香鶴髮自應歸鳳闕
龐眉誰復釣魚邦夔龍禮樂趨朝士貔虎威儀執戟
郎恩雨滿門思報德吾皇萬壽祝穹蒼一日濟從太
祖遊金水橋太祖忽然墮淚問濟曰朕爲何如此濟
奏云過金橋倚金欄看金魚憶金妃墮金淚上執濟
手云縮手過金橋有事不相饒濟對曰臣無虧心事
不怕帝皇刀而朝廷制度禮樂錢糧賦役多所建立
後爲詹徽事死於非命嗚呼惜哉其詩御製集中無
矣止有諭開蒙攜孫來京勅

制革

明吳元年置翰林院以陶安爲學士於是設承旨學
士侍講侍讀學士直學士等官洪武九年定品級十
八年革承旨直學士待制應奉之名未登極之前乙
巳歲立國子學以許存仁爲博士四年陞學爲四品
始設祭酒卽拜存仁爲之存仁名元金華謙之子也
洪武九年以諸行中書省之設大於權宜之制中外
稱失尊朝廷詔丞相等更名遂置承宣布政司是年

俾內外職九年爲滿三年錄行事之實考績於京國
初各處社稷等壇原定行禮以守禦武臣爲初獻文
臣爲亞獻十四年命以文臣通行國初期年之服俱
要守制後吏部奏言祖父伯叔兄弟俱有期年若
欲守制或一人連遭數喪道路隔遠則居官日少矣
除父母承重外俱革之國初宗人府初名宗正院以
親王一人掌其譜系故潭王得迎靖難師後成祖革去以勳戚
領之今或一經歷國初諸王皆有護衛地方有變節
統兵以禦如湘王建文元年之挫達賊相降五開諸蠻又得開閣延賢亦

七修類彙卷十一 國事類 十一

成祖革之國初一歲一朝親至二十九年方定以三
年爲期

聖君天祐

至正十二年三月太祖方入濠依郭子興起兵七月
徐壽輝自嚴來破杭州時董搏霄從江浙平章征安
豐之勢欲攻濠適聞杭陷而急回九月丞相脫脫督
諸路兵以討徐州之賊徐復而賊奔於濠方命賈魯
追攻而賈病死朝復趣脫脫還京夫安豐徐濠唇齒
地也搏霄智將脫脫國帥濠中烏合之衆勢力極小

移兵攻之真太山之壓卵矣至於十五年閏月郭陽

王子孫德厓舊素仇一旦相戾於和陽太祖郭將也

送友出和而為孫眾所逼中鎗墜馬忽得友人橫馬

而呼乘繼而又為孫弟鎖頸加害則張姓者復懇存

以待其報焉夫中鎗墜馬鎖頸加害死須臾矣一旦

而復走之嗚呼始從雄也朝不加兵及其危也人為

解之是豈人謀之所致哉天之所以啓我皇明故使

元之將相周章阻悞相識倏遇自爾扶植智者於斯

可以知一統之兆矣

七修類藁卷十一 國事類 十二

潘原明

潘原明泰州人初與張士誠俱起鹽徒元兵圍高郵

士誠原明等十八人突圍出後為偽吳平章守吾杭

至正丙午太祖命李文忠攻杭原明遣員外方彝送

款狀來曰嬰城固守乃受任之當為歸款救民亦濟

時之急務某自念起身草野叨任省樞非心慕于榮

華實志存于匡定豈意邦國殄滅王師見加事雖貴

于見機名實同于歸義念是邦生靈百餘萬比年物

故二三年既入於職方當溥覃於天澤謹將土地人

民及諸司軍馬錢糧之數以獻凡得兵二十萬馬六百匹仍授浙省平章至洪武三年止命食其祿不署事子孫世襲指揮同知十四年天兵平雲南以原明署布政使司事後卒柩還賜葬于鍾山之陰此亦史所未載事嘗聞於先達文今見於實錄特記於右

原明作允明

卽位事文

洪武元年戊申春正月乙亥太祖祀天地於南郊卽皇帝位定有天下之號曰大明建元洪武告祭昊天

七修類彙卷十一

國事類

十三

上帝皇祇祝曰惟我中國人民之君自宋運告終帝命真人於沙漠入中國爲天下主其君臣父子及孫百有餘年今運亦終其天下土地人民豪傑紛爭惟臣帝賜英賢爲臣之輔遂戡定采石水寨蠻子海牙方山陸寨陳也先袁州歐普祥江州陳友諒澤州王信新淦鄧克明龍泉彭時中荊州姜珏濠州孫德崖廬州左君弼安豐劉福通潁州熊天瑞福建陳友定平江王世明洗州李勝蘇州張士誠慶元方國珍沂州王宣益州老保等偃兵息民各歸田里今地幅員

二萬餘里諸臣下皆曰生民無主必欲推尊帝號臣不敢辭是用以今年正月四日於鍾山之陽設壇備儀昭告上帝皇祇定有天下之號曰大明建元洪武簡在帝心尙享先是日壬戌以來連日雨雪陰沍至正月朔旦霽越三日省牲雲陰悉歛日光皎潔既行禮天宇廓清星緯昭朗衆皆欣悅禮成遂卽位于郊壇南備儀法衆從丞相率百官北面行禮呼萬歲者三禮畢太祖率世子暨諸子奉神主詣四廟追尊四代祖考妣爲皇帝后奉上玉寶玉册册曰孝立孫嗣

皇帝朱某稽首頓首上言尊敬先世人之至情祖父有天下傳之於子孫子孫今有天下者追尊其祖考此古今之通義也某遇天下兵起躬擐甲冑調度師旅戡定四方以安人民土地日廣皆祖宗深仁厚德所致也諸臣庶推尊爲皇帝先世考妣未有稱號謹上皇高祖考尊號曰立皇帝廟號德祖皇高祖妣曰立皇后皇曾祖考尊號曰恒皇帝廟號懿祖皇曾祖妣曰恒皇后皇祖考尊號曰裕皇帝廟號熙祖皇祖妣王氏曰裕皇后皇考尊號曰淳皇帝廟號仁祖皇

妣陳氏曰淳皇后伏惟神明在上鑒此孝思太祖受
朝賀畢左相國宣國公李善長奉冊寶立妃馬氏爲
皇后立世子標爲皇太子皇后冊曰天眷我家啓運
興王出自衡門奄有四海爲君爲后可不慎歟君以
仁政慎於在位撫黎庶而統萬邦后以懿德慎於治
內表六宮而母天下長久之道也咨爾馬氏同勤勞
於開創之時爲家成國內助良多今以金冊寶文立
爾爲皇后其敬乃職耿光後世於戲慎戒之皇太子
冊曰國家建儲禮從長嫡天下之本在焉朕起自田

七修類藁卷十一

國事類

十五

野與羣雄角逐戡定禍亂就功於多難之間今基業
已成命爾標爲皇太子於戲爾生王宮爲首嗣天意
所屬茲正位東宮其敬天惟謹且撫軍監國爾之職
也六師兆民宜以仁信恩威懷服其心用永固於邦
家尙戒慎之以李善長徐達爲左右丞相諸功臣進
爵遷秩有差

七修類藁卷十二

明仁和郎瑛仁寶著述

國事類

本朝內官專權

內官專權自古爲然本朝宣德前無也正統間王振天順間曹吉祥成化間汪直弘治間李廣正德間劉瑾然年久害大惟王振也蓋英廟幼冲卽已擅柄第爲張太后所制盛極致有土木之變車駕蒙塵天下騷動此固國家之大數亦振之釀成而勢移人主故

七修類藁卷十二

國事類

一

也曹李雖權傾一時九卿執政者尙未俯首但敢怒不敢言耳而汪直一時公卿多爲屈膝故有都憲叩頭如搗蒜侍郎扯腿似燒葱之誚致人之死尙寡焉劉瑾則又假公成私查錢糧完勘合動輒抄拿而又訪察羅織文臣往往罰米枷號有錢則生無錢則死矣內官一差卽要萬兩謝恩上下交征也一日朝罷見御道上一緬取視乃假名檄文欲誅瑾者瑾卽下殿入班分五品以下午門外跪問天暑死者數十人餘又下獄後王振死于土木汪直下獄死李自服毒

死曹劉俱謀逆死後之人當爲之戒也

楊鄧鍾山詩

太祖初召會稽楊廉夫見令賦鍾山詩廉夫援筆立
就曰鍾山千仞楚天西玉柱曾經御筆題雲護金陵
龍虎壯月明珠樹鳳凰棲氣吞江海三山小勢壓乾
坤五嶽低願效華封陳敬祝萬年聖壽與天齊太祖
曰此詩值一千貫今日庶事方殷姑賜五百貫過日
涂人鄧伯言見亦命賦鍾山詩藁旣呈中一聯云鰲
足立四極鍾山蟠一龍上大喜以手拍案高誦之鄧

七修類彙卷十二

國事類

二

以爲怒驚死于墀下扶出東華門始甦然二人後俱
以布衣卒

羅良

羅良字彥溫福建汀州長汀人至正四年漳州賊李
志甫圍漳城守將戰敗良乃傾家募兵從江浙平章
百花討平之論功爲最奏授長汀尉十一年龍溪獄
囚反殺元帥月魯帖木兒掠財焚舍良以兵擒之帥
府版署漳浦主簿繼而賊吳仲海等殺千戶福良陷
南勝等縣良又平之鎮將舉授南劔土翼千戶是年

夏天完將詹天驥陷龍巖等地逼取帥府郡縣印綬
良裒所部兵巷戰斬天驥等三人殺賊無算帥府上
其功以良署新翼萬戶十三年福賊康子政圍逼省
城官軍莫敢當帥憲兩府以禮致良良遂募兵千人
沿海夜進直抵城下與賊死戰入城夜復引敢死士
縋城殺賊營往返數日賊見藥箭驚曰漳州羅萬戶
軍何以至此各散去圍解奏授印符俾長萬夫十四
年泉州安溪賊李大等焚柳營江陷長泰等縣良潛
濟江出不意四出追殺一賊莫能窺繼又南勝賊夏

七修類彙卷十二

國事類

三

山虎攻漳聲勢甚急良率兵出戰馘之長泰龍溪賊
相繼生發良皆平之州守遂引同攝州事撫綏其民
十八年南勝賊李國祥挾潮賊王猛虎等陷南紹屯
府良悉平朝以良爲漳州總管子安賓襲萬戶二十
年天完將林國庸又攻漳之近縣良畫策遣府判柴
十二等掩擊之敗去一時龍巖諸縣皆復二十一年
漳浦賊陳世民自比秦王陷漳浦近地勢甚盛良遣
同知劉君玉萬戶帖木兒海牙等水陸並進擊世民
走潮賊衆自殺其首請降遂以功拜福建行省叅知

政事兼守漳州二十二年潮賊金榮殺江西省平章
朶剌不花據城爲叛良遣同知劉文遠入潮諭之賊
畏良威德盡獻所獲印符潮之蜚艘出沒海嶼暴掠
尤甚良檄同知劉君玉以舟師禦之賊懼威滅迹海
外番夷仰良政化亦浮驛聽命朝廷嘉其功轉資政
大夫陞本省右丞兼廣東道宣慰司都元帥仍守漳
州尋命與江西右丞迭理必實合兵復潮潮賊陳國
珍搆合紅巾以拒良大發兵遣同知劉君玉率都事
鄭衍等軍民職官數千人兵數萬分道水陸並進碑

七修類稿卷十一 國事類 四

將張德趙璋戰沒軍士憤激連拔其砦三十追至潮
陽國珍因奔入海良伏兵襲殺之先是梅州僞指揮
倪蘭與潮賊犄角良板授義士侯召卿率鄉兵要截
賊道執其帥以降良每擊賊專以設伏取勝藥弩挫
敵遠近畏其名爲政節用養士不吝民有控愬覈情
剖理庭無畱獄定賦必均課農必慎漳始置屯田而
無府署每歲漳泉鎮將率兵耕穫歲終更代甚爲民
病良奏立萬戶府置千百長選吏給印分田賜牛入
耕出戰軍無多取人無遠輸食足兵強有流來者必

撫而衣食之故雖亂世漳則熙怡民樂爲之用各盡其力也每歲又遣僚佐具舟由海運糧抵遼東以給行在官軍貢方物以資國用舉朝嘆異元主嘉其忠解衣賜之特授光祿大夫進封晉國公先是二十二年陳友定爲福叅政復汀州遂有據福之志威迫平章燕只不花所收郡縣倉庫悉爲家資不順者輒加殺戮威振閩中至二十五年復敗我太祖將胡深元以有功加陞平章遂發兵諸郡遠近獻城以成竊據獨良卓然不屈梗於漳州慨然嘆曰噫賊乃人爲乎

遂以書責之曰足下爲叅政國之大臣也汀州之復是乃職耳可以功而自恣邪燕只平章足下之僚長也可以威而迫之邪夫非其君命而得郡邑者人人皆得而誅之矣今郡邑之長君命也固不可以加戮百司之職君授也固不可以加竄足下破郡邑而爲家資驅官僚而爲臣妾口言爲國心寔私家跬步之際真僞甚明不知足下將爲郭子儀乎將爲曹孟德乎今又竊據全閩背逆無道不爲君誅將不爲天誅乎友定大怒益發兵攻漳州檄曰早降則終享富貴

不降則噍類無遺良使三千人操強弓毒矢伏于江東險處以俟之且誠之曰但有他警慎勿輕移勝地一夜友定以兵千餘人攻海倉塞佯言奪海州趨潮直下警至千夫長張石古等違良節制悉兵赴之友定兵遂渡柳營江士卒驚駭星散良迎戰于馬岐山敗績兵遂圍城連攻旬月守城士卒日夜不得休息矢石殆盡約儲蓄可三日之需皆伐果木拆廬舍以代之父老請曰江南道絕天子萬里孤城無援破在旦夕况國朝之事又已去矣元帥守此欲爲誰邪良

曰天子命我守此土當與此土共存亡豈可以畏死而貪生舍義以從賊哉下令示以死守先時有百夫長盧積者因行軍失律良以法誅之其子善徵驍勇復置之幕下使領北城兵因引賊入良與巷戰而死其夫人陳氏名德金字怡清良繼室也聞良戰死卽投後園三尺魚池鞠躬匍伏自盡初友定攻城甚急良謂陳氏曰國亡身死理之正也友定兵強難以角勝若來吾義不可屈必與決戰而死又曰勇者不顧身忠者不念家今海內之盜殺其父而子其子戮其

夫而妻其妻吾死汝可無死矣陳氏泣對曰婦人之義有死而已夫既能與國共存亡我必能與夫同生死及是良死其弟屯田萬戶羅三亦罵賊不絕口死良長子安賓將兵救父衆散亦自刎壯士從良死者百餘人友定義良忠節不掠其後郡人哀陳氏之死相與昇葬于綠江之濱呼爲烈婦塚噫良以一介之民不俟王師惟以義起二十年而至公爵武畧固已多也卽其行政爲國勢當亂離雖文人學士世臣名將有不能處者良則優爲則其天分之高忠誠之才

七修類彙卷十一 國事類 七

爲何如哉逮以部將違其節制潛納賊兵遂至戰死乃天亡也而妻子與弟守義罵賊凜凜亦死一門忠烈又爲何如哉余讀元史不收閩誌又畧故特詳考焉提其大綱畧爲立傳以激厲夫不忠不義不烈者

西茶易馬考

洪武四年正月詔陝西漢中府產茶地方每十株官取一株無主者令守城軍士蠶種採取每十分官取八分然後以百斤作爲二包爲引以解有司收貯候西番易馬後又令四川保寧等府亦照陝西取納二

十三年因私茶之弊更定其法而于甘肅洮河西寧各設茶馬司以川陝軍人歲運一百萬斤至彼收貯謂之官茶私茶出境者斬關隘不覺察者處以極刑民間所蓄不得過一月之用多皆官買私易者籍其園仍製金牌額篆文曰皇帝聖旨其下左曰今當差發右曰不信者死番族各給一面

洮州火把藏恩裏日等族牌六

面納馬二千五百匹河州必里衛二州七站西番二十九族牌二十一匹面納馬七千七百五匹西寧曲先阿端罕東安定四衛巴哇申藏等族牌一十六匹面納馬三千五百匹每匹上馬給茶一百二十斤中馬七十斤下馬五十斤一面收貯內府三年一次差大臣賣牌前

七修類稿卷十二

國事類

八

去調聚各番比對字號收納馬匹共一萬四千五十匹自是洮河西寧一帶諸番旣以茶馬羈縻而元降萬戶把丹授以平涼千戶其部落悉編軍民號爲土達又立哈密爲忠順王復統諸番自爲保障則祖宗百年之間甘肅西顧之憂無矣自正統十四年北夷寇陝土達被掠邊方多事軍夫不充止將漢中府歲辦之數并巡獲私茶不過四五萬斤以易馬其于遠地一切停止至成化九年哈密之地又爲吐魯番所奪屢處未定都御史陳九疇建議欲制西番使還

城池須閉關絕其貢易蓋以彼欲茶不得則發腫病死矣欲麝香不得則蛇蟲爲毒禾麥無矣殊不知貢易不通則命死一旦安得不救也哉遂常舉兵擾我甘肅破我塞堡殺我人民邊臣苦于支敵之不給而茶亦爲其所掠也弘治間都御史楊一清撫調各番志復茶法華夷共稱未奉金牌不敢辦納此蓋彼既恐其相欺而此則商販無禁坐得收利特假是以爲之詞耳故尙書霍韜有曰必須遣間諜告諸戎曰中國所以閉關絕易非爾諸戎罪也土魯番不道滅我

哈密蹂我疆場故閉關制其死命予則又曰仍當請其金牌招番辦納嚴禁商販無使有侵至于轉輸如舊用軍計地轉達不使有長役之苦收買之價比民少增致使有樂趨之勤其斯爲興復久遠之計也或者曰方今西番侵擾邊民自宜拯救之不暇又復興此迂遠之事乎予則曰制服西戎之術孰有過于茶馬之一法何也自唐回紇入貢以馬易茶至宋熙寧間有茶易番馬之制所謂摘山之利而易充廐之良戎人得茶不能爲我之害中國得馬實爲我利之大

非惟馬政軍需之資而駕馭西番不敢擾我邊境矣
計之得者孰過于此哉

三保太監

永樂丁亥命太監鄭和王景弘侯顯三人往東南諸
國賞賜宣諭今人以爲三保太監下洋不知鄭和舊
名三保皆靖難內臣有功者若王彥舊名狗兒等後
俱擢爲邊藩鎮守督陣以報之鎮守自此始耳

葬祭衣冠

洪武初

實錄作甲長非

太祖命禮部製德祖玄皇帝玄皇后

七修類稿卷十一

國事類

十

懿祖恒皇帝恒皇后熙祖裕皇帝裕皇后哀冕冠服
令皇太子至泗州盱眙縣修繕祖陵葬祭衣冠告曰
嗚呼昔日列祖立命是方積德深長致天昭鑒福垂
後嗣今也子孫繁衍宅于宇內以統黔黎深思皇考
生前歲月之間思念列祖音容孫常切記已有年矣
嗚呼以萬幾之冗未獲躬詣拜掃今特遣玄孫皇太
子以持牲醴之奠詣陵修繕敬葬衣冠以伸孝思神
其鑒之今泗州之陵是也然國初迷失每遣官止于
泗州城西潮河壩望祭後老軍朱貴詣闕畫圖貼說

指其所在然後于其地爲陵乃建德懿熙三祖之廟而衣冠之葬似在朱貴未言之先傳言沙漲難識也

謹按太祖手諭詞臣云欲啓墳改葬慮泄山川靈氣體魄不安姑積土厚封勢若岡阜則或袞冕冠服卽於陵旁祔葬原封未嘗啓泄也

四夷館

四夷館有八曰西八曰韃韃曰回回曰女直曰高昌曰西番曰緬甸曰百夷永樂所設也

三謙

國朝有三謙皆名臣也國初有余謙在翰林宣廟時

七修類藁卷十二 國事類

十二

有虞謙都御史英廟時有于謙肅愍公也

劉瑾

正德初年劉瑾等專權文職受害之至雙溪雜記載其初橫之日九卿戶書韓文爲首劾瑾不法事內應有司禮太監王岳等外助有閣老劉健等事理可謂周密至矣且王岳亦上所信奏入岳云當從衆官之議上允會天晚明且發矣奈閣老李西涯泄其謀瑾等遂號訴岳等交通害我明日奴婢不能見天顏矣哀號須今夜拿岳等瑾等久在東宮親密上不得已

頷之瑾遂傳旨夜捕岳等自此司禮兩廠盡屬八黨
今人讀之以爲事機之失毫釐之間憤憤以罪西涯
殊不知西涯之罪固不能逃但正德初年彗星掃文
昌已兆文臣受害特假此逆賊耳噫國家大數也

帝王功臣廟

洪武初建帝王廟于南京雞鳴山之陽以祀三皇五
帝三王漢高祖光武唐太宗宋太祖元世祖又詔以
歷代名臣從祀風后荀牧臯陶夔龍伯夷伯益伊尹
傅說周公旦召公奭太公望方叔召虎張良蕭何曹

七修類稿卷十二

國事類

十二

參陳平周勃鄧禹馮異諸葛亮房玄齡杜如晦李靖
郭子儀李晟曹彬韓世忠岳飛張浚木華黎博
爾忽博爾朮赤老溫伯顏嘉靖間聞去元世祖
并木華黎等五人

建文君

太祖一夕夢二龍鬪殿中黃勝而白負明日見建文
成祖同戲建文着白心知後必不協且見建文頭顱
頗偏匣髻緇之具戒曰必嬰大難乃發靖難師臨城
啟視一刀一度牒有勅曰欲生懷牒爲僧密地去不
然自盡遂焚宮去出建文遺跡
革除君記地道出東南似當時

齊泰黃子澄知之而傳于人故文廟靖宮之日以爲
匿于僧錄出敘洽南洲以他事禁錮之齊泰追至廣德不
及被擒錄今錢塘東明寺土人相傳建文曾居于

此至今其廝如樓非常人家所造後自川歷滇故沐
春之傳云常使人護衛往來于西平侯弟晟之家出敘

錄時朝廷差湖州尚書嚴震往交趾相見于晟家嚴

思不言恐禍及身言之不義也一夕自縊死明日建
文逃焉及老遁至嶺南橫州壽佛寺屈寺十五年人
不知也其徒歸者于數橫有禮部郎中樂章之父樂

七修類叢卷十二 國事類 十三

善廣亦從受浮屠法故至今寺額壽佛禪寺四字乃

手筆也出日新一日作詩曰讀罷楞嚴聲懶敲咲看

黃屋住團瓢南來瘴嶺千尋險北望天門萬里遙款
段久忘飛鳳輦袈裟新換袞袍百官侍從知何地
惟有羣鳥早晚朝出遂爲人覺奔往田州土官處

自明爲建文君官司震愕因啓將若何答曰吾老矣

欲送骸骨歸帝鄉因送赴京號爲老佛至長安門賦

詩進朝廷詩云牢落江湖四十秋歸來白髮已盈頭

乾坤有象家何在江漢無情水自流長樂宮中雲影

淡一作雲
氣散

朝元閣上兩聲愁新滿渚柳年年綠野老

吞聲哭未休

出君

英宗使舊中官吳亮最親幸者使

審之建文見亮即曰汝非吳亮邪亮曰不是曰我昔

御便殿時棄肉于地汝伏地飴食之何謂不是邪亮

佯為不知以復命遂取進西內

出項
綴錄

又云在湖湘直

入巡按之門坐地自陳巡按則曰我與汝無名分矣

因執而送京又云在河南某寺因寺僧為盜官司來

捕圍寺將屠之建文特書黃布擲之曰皇帝聖旨令

眾軍散官執而問之得實送之京

二說見孤
樹哀談

恐皆非

七修類稿卷十二

國事類

十四

也崩日閣下議以神宗之謚朝廷不從

出枝山
野錄

竟葬

西山樹碑曰天下大法師之墓

出革除
編年

仁宗立

仁宗柔順好文而漢王則英勇精于弧矢成祖每喜

漢王左右窺見則譖仁宗者又至矣故有立儲未決

之意問之解縉縉以立嫡以長又好聖孫二語定之

解縉後為漢
王譖死于獄

然既立仁宗使之畱守南京矣中心不

悅封漢王于雲南不肯行改青州又不行惟欲南京

遂順之成祖又暗使尙書胡濙出使訪之故立齋閑

錄載胡嘗曰予使外瀕行聖諭曰人言東宮多失德
南京可多住幾日試觀何如胡竟以仁明數事上之
至十四年漢王私造兵器潛用輿服等事露削護衛
封之樂安然後召仁宗至北京行在蓄德錄以解縉
題虎詩云虎爲百獸尊誰敢觸其怒惟有父子情一
步一回顧因是文皇感動而召之誤矣

本朝封王

漢封諸王惟嫡世襲其爵餘同庶人但免其役而已
唐亦惟世其嫡中葉以來爵亦寄虛名也宋封爵止
于皇子其子子孫不問嫡庶不過承蔭入仕爲環衛
官却許應試至有年深齒德之尊者仍嗣封王本朝
王爵封及二代子孫六世尙得爲校尉餘有祿親親
之恩可謂隆矣不知數世之後尾大難掉故韓王一
脈一府之錢穀不足支也成化弘治間宗室有請立
宗學者有願辭祿入試者誠高見也惜不能從嗚呼
羽士克奉常蔭資補外任此獨不可乎

渡江取閩

至正十七年天兵旣取建業命將四出攻取京口毗

陵浙西等處時毗陵乃張士誠之將張德爲守徐達
屢戰不利太祖聞而親率馮勝等十人往援皆扮爲
商賈暗藏軍器順流直下時江風大作舟爲顛覆太
祖惶懼乞神忽見紅袍者拖舟轉仰沙上太祖曰救
我者何神默聞曰晏公也又曰有船可濟視之江下
果有一舟來太祖呼之卽過以渡開至半江舟人執
利刃示太祖曰汝等何處客人知吾名否太祖微笑
而郢愈應聲曰稍工毋送死耶我等圖大事者汝欲
富貴當降以去舟人曰汝非朱官人乎愈曰然舟人

七修類稿卷十二

國事類

六

遂拜曰吾輩江中剽掠昨夜聞人呼我弟兄明晚有
朱官人來授汝一生富貴今可知其豪傑也遂呼船
尾避者一十餘人皆拜之問其姓名一爲張赫後封
航海一爲朱壽後封
輔功臣錄不知悞言也又吳四年

二月湯和旣定方氏欲由海道勝兵取福建遇藍面
漁翁曰子勿殺吾指子攻之之路一宿倏抵福城降
至崇安陳友定遣甯武戰和大敗叅軍胡琛爲亂軍
所殺和正無計間而漁翁又至曰明日子與沐英捱
次出戰明日湯詐敗繼之沐英夾攻甯武死友定閉

門爲和雲梯攻陷平閩不過一月也嗚呼前之渡江神之救護聖君如彼後之取闡神之助引名臣如此平治一統豈非皆天之所爲耶

封晏公

國初江岸常崩益猪婆龍于下搜抉故也以其與國同音嫁禍于鼃朝廷又以與元同音下旨令捕盡而岸崩如故有老漁翁曰當以炙猪爲餌以釣之釣之而力不能起老漁又曰四足爬土石爲力爾當以甕通其底貫釣縴而下之甕罩其項必用前二足推拒

七修類藁卷十二

國事類

十七

從而併力掣之則足浮而起矣已而果然衆曰此鼃也老漁曰鼃之大者能食人卽世之所謂猪婆龍汝等可告天子江岸可成也衆問姓名曰晏姓倏爾不見後岸成太祖悟曰昔救我于覆舟爲云晏公遂封其爲神霄玉府晏公都督大元帥命有司祀之予以爾雅翼曰鼃狀如守宮長一二丈背尾有鱗如鎧力最道健善攻碣岸正符此也又知晏公之封自本朝

